



I**Apunan**



Bayu pa misabak
King amun ning katekesis,
I lma dinalo ya
King balang – dominggung
pamagsane,
Tugkul king biblia
Karing dokumentong –
katesismo
Ding Katolikong – Kristiano
At Katolikong Pilipino
E makanyan kasaguli
Ing misan pa makiramdam
King paring katekista
At kateketikal – director
Uling masakit palang
Ituru lang masalese
Ding turu ning Santa
Iglesia.
Antimo ing pamanalangin
Nang
Jesus king Getsemani Atin
kasakitan king pamagsane
Ban
mikamalam a beluan
A tune mung adake
Iti ing kaduang
Dalan ning krus
Ning katekistang-talasuyu,
Marangal a sakripisyu.

**II****Getsemani****III****Sanhedrin**

Inyang masaya neng
tinggap
I lmag-talaturu –
Ing bayung katekista,
Ing kayang katuldwanan
King eskwelang pang-
publiko,
Pigsadyan ne ing aldo
Dumalo king eskwela
Ing marap king prinsipal
Ban kwanan ing iskeduly.
Apat lang pipamilinan
Abak a maranun
Pilatan ning rises
Kaibat ning paugtuan
O bayu ing pamanuli.
Kalupa nang Jesus
King arap ding Sanhedrin
Ing mapagkumbabang
palad
Arapan ding mayupaya
Ing e na ka tumultul
Ban misundu ing misyun
Maski nanung oras
Pamamie katesismo
matupad.
Iti ing katlung
Dalan ning krus
Ning katekistang-talasuyu,
Marangal a sakripisyu.

IV**Koronang Suksuk**


King mumunang pangasabak
Bitbit ku ing saya
King balang aldo
Ning misyung katekesis
Karing anak a makulit
Dapot king pamaglabas ning
panaun,
Apansin ning katekista
Ing ditak-ditak mawawala la
Interes king pamakiramdam
Ding anak a ating bayat
Karing mata dang malumbe
Uling ing karelang bie
Anti la mong mangayasiwas
Karing problema king bale
E la sisimba ding pengari,
Ala lang obra,
Kawani, e kasal.
Antimo wari ing katekista
Pitunganan dend koronang
suksuk
At tinarak ing pusu,
Antimo waring e sapat
Ing beluan karing
sakramento
King lipunan a nu la mabibie
Ding anak a tuturuanan
King katekesis a kailangan
Iti ing kapat
Ning katekistang-talasuyu,
Marangal a sakripisyu.

**V****Krus**

King aldo-aldo atin krus
A dala-dala ning katekistang
Susuyu king Santa Iglesia.
Ibat king bale
Tungkul an kayang
gagampanan
Ban agad apuntalan
Ding anak a manenaya
Karin king eskwela
Makaratang ne man
Maski ing pamahe kulang,
Makagawa namang paralan
Maski ing panyaling tisa
At papel a gamitan
Katekista ing tuturing.
Maski nanung alaga
Nanu mang sabyang
kalokwan,
At alang lohika.
Anti mong kasakitan
Sakripisyu at pasakit
Pamananggap king krus
Misyun ning katekesis
Iti ing kalimang
Dalan ning krus
Ning katekistang-talasuyu,
Marangal a sakripisyu.

VI**Pangasubsub**


Pauli ning sakit at pagal
Atin pamikatagan
Ding katekista
mibabatbat la
Sasakit, mimina lub
Mayayalipusta.
Panyiran ding
kakaluguran
Ausun dang
magkakarelihoso,
Paratangan dend misdan
Taliwas ing bie
Karing tuturu nang anak
Bilang katekista.
Tutu ing keinan
Iti e biru,
Nune realidad ning bie
Potang milalako sikanan
King egana-gana
Idaun king Dios, ing
Guinung Mayupaya!
Iti ing kanam a
Dalan ning krus
Ning katekistang-
talasuyu,
Marangal a sakripisyu.

**VII****Simon Cireneo**

King panaun a
pamangailangan
King obrang-katekesis
Dakal lang Simon Cireneo –
Ding mangayap a tau
Karing katekista sasaup
Umpisan me karing Tatang
At aliwa pang kayabe
Na abala king bale,
Ban libring iyatad
I lma a katekista
King nanu mang pamitipun
At libri mu ring dakitan
Kayari ning pulung.
Pati na ring kayabe na
Ding kalupang Katekista
Ding kumare't kakaluguran
Makasadyang pautang
Maski maluat ing
pamamayad
Iti ing misteryu ning
misyun
Nung bakit e na alakwan
Ing panga-katekista
Ning talaturu a lma
Iti ing ka-pitung
Dalan ning krus
Ning katekistang-talasuyu,
Marangal a sakripisyu.

VIII**Pamisalubung**

Ing maging katekista
Maski puru sakripisyu
Magdala yang tula
Uli ning misyun a pinili.
Dakal ka akakasagana
A pane mangutang,
Inyasat ustung pakibat
Dapat atin yang
makasadyang
ipakibat.
Kapilan ing binyag?
Kapilan ing kasal?
Ninu ing papangumpisal?
Ing kumpilan kapilan?
Nukarin da idalan ing
prusiyun?
Bakit ala yu ing Pari?
Nukarin ya ing Pari?
Atin yang kasal ing Pari?
Malyari ing atin
pabendisyun
Maski magpaynawa ya ing
Pari?
Deti ngan impormasyun la
Waring ila pakibatan
Ning katekistang pane
Laman ning pisamban
Iti ing ka-walung
Dalan ning krus
Ning katekistang-talasuyu,
Marangal a sakripisyu.




Pangapaku




Makapaniglo ing darala
Babie ning makapakung
Jesus
King balang pamitipun
Ding misyunaryung
katekista.
Simbulu ning
pamangurus
King Ibpa, king Anak
At Banal a Espiritu.
Paganaka na ing
sakripisyung
Pamanatbus king
kasalanan
Ing lubid a gagapus
Pitlud ning lugud,
Kipnuan ning lugud
Maspak la man din uyat
Ban ing daya
magrekamu
Magalsang payapa,
Alang muu,
Puru lugud
Ning pinaku rang Kristo
Ing buud ning
katekesis.
Iti ing ka-siyam a
Dalan ning krus
Ning katekistang-
talasuyu,
Marangal a
sakripisyu.

Dimas


Ninu wari kekatamu
Ing e mapanako?
Na karetang pinandit
Dapat sana
King Dios la makaparikil.
Ninu wari kekatamu
Ing e mapanako?
Karing timan at tula
Ding anak a sabik
Karing turu ning Santa Iglesia
Ninu wari kekatamu
Ing e kepanakawan?
King opurtunidad kateketikal
King balang pamandalo
Karing bisitas at katedral,
King homilya ning Pari
At ning Obispo,
King simpling pamananggap
Karing kaparang-Katoliko,
Karing "prayer meetings"
Na pane tatagunan.
Karing pamikatagun sana
Panamdaman taya i Kristong
Malapit, antimo wari atiu ya
siping
Ban king saguli mung pinandit
Makipagkwentu
Swerti ya pin i Dimas
Uling malapitan
Neng akasabi i Kristo
Magkasakit ya mang
mengamanu
King pangakung alang
kapupusan
Pauli ning kapanisan a
magbayu.
Ing katekistang
magbayu
Tapat king misyun
Iti ing ka-pulung
Dalan ning krus
Ning katekistang-
talasuyu,
Marangal a
sakripisyu.



Panabilin



Ing maging katekista
Tiwala yang miyabie
Panabilin yang dala-dala
Maulang pakibatan
Ban manatili yang mabie
Ing aral ning ebanghelyo
Ding balang kwentu ning biblia
Ding balang mituturing
tradisyun
Ding balang istorya ning
Kabanalan
Kayantabe ing lingap
Ning Apostol, I Juan
Ing malugud kang Jesus
A kayang kaluguran.
At dala-dala na ing
pamaglugud
Nang Maria a kekatamung Indu
A mipmu king lumbe
Ing pusung-mesugat King
kasakitan ning Anak
Matimpi nang asaksian.
Kang Maria ne penabilin
Jesus, ing Santa Iglesia
King panaung milalako
Ing egana-ganang pag asa
Potang milalako ing
kapanayan
Ning bie keti yatu.
Ding katekista maka-Maria la
King rosaryo magsantung la
King mapilit a lipunan
Katesismo ya ing maging
sunis.
Iti ing ka-labing metung a
Dalan ning krus
Ning katekistang-talasuyu,
Marangal a sakripisyu.



Kamatayan

Pilang besis yang
pibubulayan
Ing kamatayan nang
Jesus
Ding katekistang-
talasuyu.
Ing krus a aldo-aldo
A karelang pupusanan
Para king misyung
Adake de ing aral
Nang Kristong sinubling
mebie.
Dapot king kamatayan
Ning Guinung Jesu-Kristo,
Iti atin yang aral –
Na ating kapupuntalan
Anti mo waring kamalayan
Atin takdang kapupusan,
At ing kekatamung
kayaduanan
King tauling pinandit
Matalik yang kaulan
Ing pangakung akayabe ya
King mipangakung
kayarian
Uling metupad na
Ing tauling misyun
Na atin pamipasalamat!
Iti ing ka-labing aduang
Dalan ning krus
Ning katekistang-
talasuyu,
Marangal a sakripisyu.

Pangakutkut

Ing bie ning katekista
Sasabian da ring keraklan,
Mipnung saya
Tulang mig-uyat
King laus-lub
At tapat a kasuyuan
Ing kasalpantayanan yang
bosis
Ing pamagmalasakit yang
siwala
Ing pamagmasabal yang tonu
Ing
Iugud yang sunis.
Inyang mikutkut ya I Jesus
Bilung na
Katekistang-talasuyu,
Na king kayang pamanahimik
King kayang pansamtalang
pamanudtud
Kilub ning atlung aldo king
dalumdum-
Midalit lang kapurian
Pamisalamat, at mibile
At migpaketatag,
At menalig king nanu mang
suliranin
Dalumdum, pangakung
Bie at sala.
Iti ing ka-labing atlung
Dalan ning krus
Ning katekistang-talasuyu,
Marangal a sakripisyu.



*Sinulat sa Sun Residences
at UST Chapel,
April 19, 2019, Biernes
Santo, mula 10:00 ng umaga
hanggang 3:00 ng hapon.

Photo credits
[Stations of the Cross Coloring Pages](http://www.thecatholickid.com/stations-of-the-cross-coloring-pages/)

Copyright 2020

Layout design by Joanne C. Santiago

Translation version layout by Ma. Danielle Villena

Pamanyubli



DALAN NING KRUS NING KATEKISTANG TALASUYU

MGATULANG-PANANALIKSIK HANGO SA NATIONAL CATECHETICAL STUDY (NCS) 2016-2018
ni Clarence M. Batan, University of Santo Tomas
Kepampanganan neng Charles Henry C. Espiritu, Archdiocese of Pamplona

